

# Lewitikus

## SÊJAM SAKIŅ ANÔTÔ

### ŅAŅAGÔLIŅ

Lewitikus nec dabuŅwaga, taŅ sêsa aŅga Lewinê gôlôac naŅ, tauŅ nêŅ buku. ŅabiŅ űagêdô tec kepeŅ dabuŅwaga tau solop, go űabiŅ űagêdô kêpi nêŅ sakiŅ tokaiŅ-tokaiŅ naŅ. Kôm tonec gêjac dabuŅwaga tonan űawae gebe sêlic lau Israel lanŅwa tônê nêŅ om ma têndônŅ Anôtônê biŅ êndêŅ lau tau gebe sêsa nêŅ lêŅ to awenŅ êoc Anôtô sêsô biŅ tau űalabugeŅ.

BiŅ Anôtô dabuŅűa kêtû űalôtênasêga gêjam gôliŅ buku tau gêjam aucgeŅ. Amboac tonan űagôliŅ tonec gêdêŅ Anôtônê lau Israel gebe sêlic nêŅ om to sêsa nêŅ lêŅ űaűêŅ, ec sêmbiŅ tauŅ tônŅ tamiŅ IsraelnêŅ Anôtô DabuŅ tau endenŅ tôngeŅ.

#### **Buku tau űasêbu lemenŅteŅ gebe**

1. Mômêlatu 1–7 BiŅsu da to dajaŅa.
2. Mômêlatu 8–10 Sêjam mec Aron to latui gebe sênam kôm dabuŅwagaűa űamiŅ.
3. Mômêlatu 11–15 űagôliŅ lau sêŅgônŅ selecűa to sênam dabuŅ tauűűa.
4. Mômêlatu 16 Omsêga Wama űagôliŅ.
5. Mômêlatu 17–27 űagôliŅ gêdêŅ lau gebe sêsa nêŅ lêŅ to sêlic nêŅ om sênam dabuŅ taunŅ űapep.

űalô towae, taŅ kêsêp buku tonec űalêlôm naŅ, teto gêc 19:18. Apômtau Jesu kêsam űalô tau gebe BiŅsu kêtû luagêcűa, taŅ kêtôm biŅsu kapôêŅ

ꞑamataꞑa. Biꞑsu tau gebe “Têmtac êwiꞑ lau wacbaꞑ aôm amboac têmtac gêwiꞑ taôm.”

1:1–15:33 Biꞑsu, taꞑ gêjam gôliꞑ lau Israel nêꞑ sakiꞑ omꞑa ma nêꞑ lêꞑ sêkêꞑ da to dajaꞑa naꞑ, kêsêꞑ môkêlatu 1–7. Êsêac sêjam mec Aron to latuagêc ꞑamiꞑ kêsêꞑ môkêlatu 8–10. Môkêlatu 11–14 gêwa biꝼ tatu selec to biꝼ ꝼatêmuiꝼa sa. Bôc, taꝼ lau Israel têtôm gebe sêniꝼ to bôc, taꝼ sêjac jao gebe sêniꝼ atom naꝼ, nêꝼ ꝼaê kêsêꝼ môkêlatu tonanꝼ amboac tonanꝼeꝼ. Biꝼ ꝼagêdô gêwa lau, taꝼ sêkôc ꝼapalê naꝼ, nêꝼ lêꝼ têtú selecꝼa sa. Ma biꝼsu ꝼagêdô kêkanôꝼ lau tokamocbôm ma gêwa êsêacnêꝼ lêꝼ têtôc tauꝼ êndêꝼ dabuꝼwaga ma dabuꝼwaganêꝼ kôm sêwaka lau tonanꝼ saꝼa sa.

## 16

### *Omsêga Pasanꝼ*

<sup>1</sup> Gêdêꝼ Aronnê latuagêc sêmac êndú kêtú sêkêꝼ daja dabuꝼ atomꝼa gêdêꝼ Apômtau, eꝼ kêsôm gêdêꝼ Mose gebe <sup>2</sup> “Ôsôm êndêꝼ têwam Aron gebe eꝼ êsô gamêꝼ dabuꝼanô, taꝼ obo baliꝼ gêsanꝼ auc naꝼ, êna paliꝼ-paliꝼeꝼ atom gebe gamêꝼ tonanꝼ aê maloc, taꝼ gaoc tauc lasê ꝼa tao gêsac poac ꝼakatapa, lêpôꝼ taê labuꝼa, ꝼaô, gebe êmac êndú atom. <sup>3</sup> Eꝼ êsô gamêꝼ dabuꝼanô tau ꝼalêꝼ tagenꝼ tonec gebe êkôc bulimakao kapoac wakuc teꝼ êtu dawamaꝼa to domba kapoac teꝼ êtu dajaꝼa êna. <sup>4</sup> Eꝼ êliꝼ bu su acgom, go êsô ꝼakwê kwalam-kwalam baliꝼ ma ꝼakwê akaiꝼꝼa kwalam-kwalam dambê. Eꝼ êjandiꝼ ômbiꝼkap kwalam-kwalam ma embec obo gasuc. Gêꝼ samob tonanꝼ tec kêtú ꝼakwê

dabuŋ tau. <sup>5</sup> Ma eŋ êkôc noniŋ kapoac luagêc aŋga lau Israel nêŋ êtu dawama ma domba kapoac teŋ êtu daja.

<sup>6</sup> “Ma Aron êkêŋ bulimakao kapoac tau êtu dawama êtu eŋ tauŋa ma ê wama tau to nê gôlôac su acgom. <sup>7</sup> Go eŋ êkôc noniŋ luagêc tonanŋ naetoc lulugeŋ êkô Apômtau laŋônêmŋa aŋga becobo ŋakatam dêmôêŋa. <sup>8</sup> Aŋga tonanŋ eŋ êpuc kapoac êpi noniŋ luagêc tau, teŋ êtu Apômtauŋa ma teŋ êtu Asaselŋa. <sup>9</sup> Go Aron êkêŋ noniŋ taŋ kêpuc kapoac kêtû Apômtauŋa nanŋ êtu dawama. <sup>10</sup> Mago noniŋ, taŋ kêpuc kapoac jakêsêp Asaselŋa nanŋ, eŋ êkôc tomata jaligenŋ ma etoc êkô Apômtau laŋônêmŋa, go êsa sakiŋ asuc sec ôkwiŋa êpi eŋ ma êjanda noniŋ tau êsa gamêŋ sawa êndêŋ Asasel êna.

<sup>11</sup> “Aron êkêŋ bulimakao kapoac tau êtu dawama êtu eŋ tau to nê gôlôacŋa nêŋ secŋa, eŋ ênac bulimakao tonanŋ êtu dawama êtu eŋ tauŋa. <sup>12</sup> Go êkôc ja ŋalana aŋga Apômtaunê altar naêkêŋ êsêp laclu teŋ ma êŋgainŋ gêŋmalu, taŋ sêlênsim popoc nanŋ, lêma luagêc êkôc êmêŋ gamêŋ dabuŋanô tau. <sup>13</sup> Aŋga Apômtaunê laŋônêmŋa eŋ êkêŋ gêŋmalu tau êpi ja ma gêŋmalu ŋajadauŋ ênam lêpôŋ taê labuŋa auc gebe êmac êndu atom. <sup>14</sup> Ma eŋ êkôc bulimakao kapoac ŋadec ŋagêdô ma êpalip êpi lêpôŋ ŋagadê to katapa poacŋa nêmŋa ŋa nê lêma latu êtu dim 7.

<sup>15</sup> “Tonanŋ su acgom, go êmbuc noniŋ, taŋ êtu da enseŋ launêŋ secŋa nanŋ, ma êkôc ŋadec êsô gamêŋ dabuŋanô tau êna ma êpalip êpi katapa poacŋa ŋagadê to nêmŋa êtôm tê eŋ gêgôm ŋa bulimakao kapoac ŋadec su nê. <sup>16</sup> Eŋ êŋgôm amboac tonanŋ

tec enj ê wama êtu gamêñ dabuñ ma lau Israel nêñ ñatêmui to nêñ sêgêli biñsu ma nêñ sec samobña. Ma êñgôm amboac tonanğen êtu becobo poacña, tañ gacğen kêkô êsêacnêñ môm ñalêlôm nañ. <sup>17</sup> Ñac teñ êmoa becobo ñalêlôm êndêñ tañ enj êsô gamêñ dabuñanô e êsa êmêñ ma ênac da tau to nê gôlôac ma lau Israel samob nañ, atom. <sup>18</sup> Go enj êsa êndêñ altar, tañ kêkô Apômtau lañônemña nañ, êna ma ênac da êtu altar tauña ma enj êkôc dec ñagêdô anğa bulimakao to noniñ nêñ ma ênsê êpi altar ñajabo ênam aucğen. <sup>19</sup> Ma êpalip dec ñagêdô êpi altar tau êtu dim 7 ña nê lêma latu gebe êñgôm gêñ tau êtu selec to dabuñ ma ensenj lau Israel nêñ ñatêmui su.

### *Noniñ kapoac gêôc sec sa*

<sup>20</sup> “Êndêñ tañ enj ênac da gamêñ dabuñ to becobo poacña ma altar êmbacnê nañ, go enj êkôc noniñ mata jali tau êmêñ. <sup>21</sup> Go Aron êkêñ nê lêma lulugenj ênsac noniñ mata jali tau mômêapac ñaô ma êsôm keso samob, tañ lau Israel sêgôm to sêgêliña ma nêñ sec samob nañ, lasê ma êkêñ êpi noniñ mômêapac. Go ñac, tañ kêmasañ tau su kwananğen nañ, êwê noniñ tau êc êsa gamêñ sawa êna. <sup>22</sup> Noniñ tau êôc êsêacnêñ sec samob êpi tau êna gamêñ gasañ teñ ma (ñac tau) esoc noniñ tau anğa gamêñ sawa.

<sup>23</sup> “Go Aron êsô becobo poacña ñalêlôm êna ma êkôc ñakwê kwalam-kwalam, tañ enj kêsô sa gêdêñ tañ kêsô gamêñ dabuñanô gêja nañ, su ma êkêñ ênêc tonañ. <sup>24</sup> Ma enj êliñ bu anğa gamêñ dabuñ ñabalêm teñ ma êsô taunê ñakwê ma êsa êmêñ, go êkêñ daja êtu enj tau to lauña ma ê wama tau to lau samob. <sup>25</sup> Ma ñalêsi da êjô launêñ secña enj êkêñ

ja êniņ aņga altar tau. <sup>26</sup> Ma ņac, taņ êwê noniņ êndêņ Asasel êna naņ, êkwasiņ nê ņakwê ma êliņ bu su acgom, go êmu êsô malac êmêņ êtiam. <sup>27</sup> Ma bulimakao to noniņ, taņ êtu da êjô secņa naņ, nêņ dec, taņ sêkôc sêsô gamêņ dabuņanô tau sêna gebe ê wama naņ, nêņ ņaôlic to ņamêsôm ma ņatêkwa sêmbaliņ êsa malac ņamagê êna ma sêkêņ ja êniņ su. <sup>28</sup> Ma ņac, taņ êkêņ ja êniņ gêņ tau naņ, êkwasiņ nê ņakwê ma êliņ bu su acgom, go êmu êsô malac êmêņ êtiam.

*Sêlic om sê wama êsêacņa ņalêņ*

<sup>29</sup> “Ma tonec êtu ņagôliņ ênêc enden tôngeņņa tenj êndêņ amac gebe êndêņ ajôņ êtu 7 ņabêc 10 amac taôm to lau jaba, taņ sêmoa sêwiņ amac naņ, anam dabuņ taôm ma anam kôm tenj atom. <sup>30</sup> Gebe êndêņ bêc tonañ oc sê wama amac gebe atu selec. Nêm sec ênaņa ma atu selec samucgeņ akô Apômtau laņônêm. <sup>31</sup> Om tonañ êtu amacnêm Omsêga anam dabuņ taômņa tenj. Tonañ êtu ņagôliņ ênêc enden tôngeņņa tenj. <sup>32</sup> Ma sakiņ daê wamaņa gêjac dabuņwaga, taņ seņ oso to sêjam mec eņ gebe êjô tama su naņ, ņawae. Eņ êsô ņakwê kwalamkwalam, taņ kêtũ ņakwê dabuņ naņ. <sup>33</sup> Ma ê wama êtu gamêņ dabuņ to becobo ma altarnņa ma êņgôm êtu dabuņwaga to gôlôac ņalau samobņa êwiņ amboac tonañgeņ. <sup>34</sup> Lêņ tonañ êtu amacnêm ņagôliņ ênêc enden tôngeņņa tenj gebe asa sakiņ wamaņa êtu lau Israel nêņ sec samobņa êtu dim tagenj êtôm jalagenj.”

Ma Mose gêgôm kêtôm Apômtau kêjatu eņ.

17:1–18:30 Biņsu taņ kêsêp mômêlatu tonañ naņ, kêjatu lau gebe sêkêņ nêņ da aņga lôm dabuņ

taugeŋ. Biŋsu ŋagêdô gêjac jao gebe lau sênôm dec to sêniŋ bôc ŋamêsôm todecgeŋ. Biŋsu taŋ kêsêp môkêlatu 18 naŋ, gêwa lauo to ŋac nêŋ lêŋ sêmoa sêwiŋ tauŋŋa sa ma gêjac jao nêŋ lêŋ mockaiŋŋa ŋagêdô.

## 19

### *Biŋsu dabuŋ to gêdêŋŋa*

<sup>1</sup> Ma Apômtau kêsôm gêdêŋ Mose gebe <sup>2</sup> “Ôsôm êndêŋ gôlôac Israel ŋalau samob gebe amac atu lau dabuŋ gebe Apômtau, amacnêm Anôtô, aê tauc dabuŋ. <sup>3</sup> Amac samob êtôm ŋacanôgeŋ atoc tenemi to tamemi sa ma taêm ênam om gebe dabuŋ ma amansaŋ ŋapep, gebe Apômtau, nêm Anôtô aê. <sup>4</sup> Amac akac taôm ôkwi andêŋ anôtô gwam ana atom. Ma apac ki êwê ma amansaŋ anôtô jaba teŋ atom, gebe Apômtau, nêm Anôtô aê.

<sup>5</sup> “Embe akêŋ da danŋe êndêŋ Apômtau, go akêŋ ŋalêŋ gebe ênac Apômtau mataanô ŋajamgeŋ. <sup>6</sup> Êndêŋ bêc, taŋ akêŋ da tau naŋ, to bêc, taŋ êndanŋuc naŋ, aniŋ da tau e êmbacnê. Gêŋ ŋagêdô-gêdô, taŋ ênêc e êndêŋ bêc êtu têlêac naŋ, ja êniŋ su. <sup>7</sup> Ma embe aniŋ êndêŋ bêc êtu têlêac, naŋ oc êtu gêŋ geŋeŋ ma oc ênac aê matocanô ŋajam atom. <sup>8</sup> Ma teŋ embe êniŋ, oc êtu tôp êndêŋ eŋ gebe eŋ gêgôm Apômtaunê gêŋ dabuŋ teŋ kêtû sec, ma senseŋ eŋ su aŋga nê lau nêŋ.

<sup>9</sup> “Ma êndêŋ taŋ amacnêm gamêŋ ŋakôm ŋanô êsa naŋ, go anac sa e êndêŋ kôm ŋamadiŋ samucgeŋ atom, ma ajoŋ gêŋ ŋasaliŋ-saliŋ sa êtu ŋamu atom. <sup>10</sup> Aŋga nêm kôm wainŋa amboac tonanŋeŋ ajoŋ gêŋ ŋasaliŋsaliŋ ma akôc ŋanô, taŋ kêsêlô kêsêp nom

nañ, sa atom. Awi siñ êndên lau ñalêlôm sawa to lau jaba gebe Apômtau, amacnêm Anôtô aê.

11 “Anam geñgeñ atom, ma anam launêñ bôlêñ auc atom to ansau auc lau atom. 12 Atôc lememe ansau anam aê lañôc ma añgôm amacnêm Anôtônê ñaê êtu sec ña lêñ amboac tonañ atom gebe Apômtau aê.

13 “Akônin nême lau wacbañ amacña ma añaño nêñ gêñ su atom. Añañin nême sakinwaga nê ñaôli kômña e êndên ñaelen atom. 14 Apuc boa ñac tañasunbic to akên gêñ ten êmbôc ñac matapec nê intêna auc atom. Atêc nême Anôtô, gebe Apômtau aê.

15 “Amêtoç bin eso atom. Ma ambu lau ñalêlôm sawa ma atoc lau tolêlôm sa êlêlêc atom, mago amêtoç nême lau wacbañ amac ña binçêdêngeñ.

16 Ôña bin êpi nême lau atom. Ma embe ôkô mêtôcwaga lañônême nañ ôkic nême ñac wacbañ aôm nê bin ôwiñ atom gebe Apômtau aê.

17 “Têmtac endec lasitêwa atom, awa bin sa êndên ñac wacbañ amac gebe awê kain sec êtu enña atom. 18 Ôkên ñagêjô ma ôê têmtac ñandañ êndên taôm nême lau ten tôñ atom, mago têmtac êwiñ lau wacbañ aôm amboac têmtac gêwiñ taôm, gebe Apômtau aê.

19 “Ajop aênoc ñagôlin tonec gebe akên bôc kain luagêc sênçêli taun atom. Ma apalip ñawê kain luagêc êsêp kôm tagen atom, ma asô ñakwê, tañ sêwa ña gam kain luagêc kêsêp taulêlôm nañ atom.

20 “Embe ñac ten ênêc êwiñ awê ten, tañ sê en çêdên ñac ten gebe ênam ôli êtu ênê gênômao, mago gêjam ôli su me sêwi en siñ su atom tagen nañ, go akên ñagêjô, mago êsêagêc sêmac êndu lulugen

atom, gebe sêwi awê siŋ kêtû taunê ŋatauo su atom tagen. <sup>21</sup> Mago ŋac tau êkôc domba kapoac tenj êna becobo ŋakatam gebe êkêŋ êtu datôp êndêŋ Apômtau êtu enj tauŋa. <sup>22</sup> Ma dabuŋwaga ê wama ŋac tau ŋa domba kapoac datôpŋa tonaj êkô Apômtau laŋônêŋ êtu sec, taŋ enj gêgôm nanŋa. Ma Anôtô oc êsuc sec, taŋ ŋac tau gêgôm nanj, ôkwi.

<sup>23</sup> “Êndêŋ taŋ asô gamêŋ tau ma asê ka ŋanô aniŋŋa tokaiŋ-tokaiŋ nanj, go alic ŋanô tau amboac gêŋ selec êtôm aniŋŋa atom e jala têlêac êmbacnê acgom. <sup>24</sup> Ma êndêŋ jala êtu aclê ŋanô samob êtu gêŋ dabuŋ ma êtu da lambiŋŋa êndêŋ Apômtau. <sup>25</sup> Mago êndêŋ jala êtu lemenŋen aniŋ kaŋanô tau gebe ênam ŋanô taêsam êndêŋ jala samob, taŋ êndanŋuc nanj. Apômtau, amacnêŋ Anôtô aê.

<sup>26</sup> “Aniŋ gêŋ todec tenj atomanô. Aoc biŋ lasê to aŋgôm mectomaŋ atom. <sup>27</sup> Akapiŋ nêŋ mômêmlauŋ su aŋga mômêmapac atom ma êm ŋasaô êtu dambê atom. <sup>28</sup> Asa nêŋ ôlim êtu ŋacmatêŋa me anac bô tenj êpi taôm ôlim atom gebe Apômtau aê.

<sup>29</sup> “Ôkêŋ latômo êtu awê mockaiŋo gebe mockaiŋ ênam gamêŋ auc e sec ênam sêga aŋga gamêŋ tau atom. <sup>30</sup> Taêm ênam ŋoc om gebe dabuŋ ma ômansaŋ ŋapep ma otoc ŋoc andu dabuŋ sa gebe Apômtau aê.

<sup>31</sup> “Naandêŋ lau, taŋ sêkalem lau katuŋ nanj, to lau mectomaŋŋa ana atom. Embe aŋgôm oc aŋgôm amac selec ŋapaliŋ gebe Apômtau, amacnêŋ Anôtô aê.

<sup>32</sup> “Ôndi sa êtu ŋac tomôdêŋa to otoc ŋamalacanô sa ma ôtêc aôm nêŋ Anôtô gebe Apômtau aê.



<sup>33</sup> “Embe ñac jaba teñ êmoa êwiñ aôm anğa nêm gamêñ, go ôtu kasec eñ atom. <sup>34</sup> Ñac jaba êmoa êwiñ aôm êtôm nêm lasitêwa teñ ma aôm têmtac êwiñ eñ amboac têmtac gêwiñ taôm, gebe amac taôm atu lau jaba gêmunña anğa gamêñ Aiguptu, gebe Apômtau, amacnêm Anôtô aê.

<sup>35</sup> “Amêtôc lau eso atom. Anam dôñ gêñ baliñ to ñawapac ma taêsamña ôkwi gebe ansau lau atom. <sup>36</sup> Nêm dôñ gêdêñ ênêc êtu gêñ ñawapacña ma gadob to laclu anam dôñ gêñ êsêpña nañ, solop amboac tonanğen gebe Apômtau, amacnêm Anôtô, tañ gawê amac anğa gamêñ Aiguptu amêñ nañ, aê. <sup>37</sup> Ma ajop ñoc ñagôlin to ñoc jatu samob ma anğôm ñanô êsa gebe Apômtau aê.”

20:1–22:33 Môkêlatu tonanğ nabiñsu gebe ênam lau to dabuñwaga sa e têtú lau dabuñ ñanô.

## 23

### *Om ñagôlin*

<sup>1</sup> Apômtau kêsôm gêdêñ Mose gebe <sup>2</sup> “Ôsôm êndêñ lau Israel gebe Apômtaunê om toê-toê, tañ amac asam gebe dabuñ ma akac taôm sa nañ, tonec. <sup>3</sup> Anam nêm kôm êtôm bêc 6, mago êndêñ bêc êtu 7 êtu bêc lêwanña ñanô akac saña dabuñ teñ. Anam kôm teñ atom. Bêc tonanğ êtu Apômtau tau nê om anğa nêm gamêñ samob. <sup>4</sup> Bêc tonec kêtú Apômtaunê om toê-toê, tañ eñ kêkêñ nañ. Akalem lau sa êndêñ ñanoc gebe akac taôm sa ma alic om dabuñ tau.

### *Omsêga Pasa*

<sup>5</sup> “Êndên ajôn ñamataña ñabêc 14 ñaêtulala nañ alic Apômtaunê Om Pasa. <sup>6</sup> Ma êndên ajôn tonanğen ñabêc 15 alic Apômtaunê om Polom Ñalucña. Êndên bêc 7 aniñ polom ñaluc. <sup>7</sup> Êndên bêc ñamataña tonanğ akac sa to alic om dabuñ. Anam kôm teñ atom. <sup>8</sup> Mago akên daja êndên Apômtau êtôm bêc 7 tonanğ ma êndên bêc êtu 7 oc alic om dabuñ teñ êtiam ma anam kôm atom.”

<sup>9</sup> Ma Apômtau kêsôm gêdên Mose gebe <sup>10</sup> “Ôsôm êndên lau Israel gebe êndên tañ aô lasê gamên tau, tañ aê jakên êndên amac ma aniñ gên lasê nañ, go amac akên kôm ñanô ñamêc êndên dabuñwaga <sup>11</sup> ma enj ênsuñ nê m gên tonanğ êndên Apômtau êna gebe enj êlic amac ñajam. Sabat su ma ñaelen dabuñwaga êngôm gên tau. <sup>12</sup> Ma êndên bêc, tañ ansuñ nê m gên tonanğ nañ, akên domba ñalatu kapoac ñajam teñ ñajala tagenña êtu daja êndên Apômtau êwiñ. <sup>13</sup> Ma akên da kelenğ tonec êwiñ gebe polom matac êtôm gên 10 ñaluagêc sênğaluñ êwiñ katêkwi êtu daja êndên Apômtau gebe êñu ñamalu ñajam ma akên wain ñatêkwi kekec teñ êwiñ êtu da. <sup>14</sup> Aniñ polom matac ma sigob me kêsôcña teñ anğa kôm wakuc atomanô e êndên bêc, tañ amac akên nê m da êndên nê m Anôtô su acgom. Biñ tonanğ êtu ñagôliñ ênêc endenğ tônğenña teñ êndên gôlôac to gôlôac êtôm nê m gamênğenğ.”

### *Om Tajon Kôm Njanô Sarja*

<sup>15</sup> “Sabat, tañ amac akên da onanğ su nañ, ñaelenğ go asa woke sa e êtôm woke samuc 7. <sup>16</sup> Asa bêc 50 sa e êtap bêc, tañ êndañguc Sabat êtu 7 nañ sa, go akên da polom wakucña teñ êndên Apômtau. <sup>17</sup> Akôc polom sigob luagêc anğa nê m andu amênğ

gebe êtu da. Sêmansañ polom tonañ ña polom matac ñajam ma sêpac ña jist êtu kôm ñanô ñamêc êndên Apômtau.

<sup>18</sup> “Ma akên domba ñalatu ñajam 7 ñajala tagen ma bulimakao kapoac wakuc ten ma domba kapoac luagêc êwiñ polom tonañ êtu daja êndên Apômtau. Êwiñ da gên kômña to da gên têkwiña oc êtu daja, tañ ñamalu ênac Apômtau mataanô ñajam nan. <sup>19</sup> Ma akên noniñ kapoac ten êtu da êjô secña to domba ñalatu kapoac luagêc, tañ ñajala tagen nan, êtu dawamaña ten. <sup>20</sup> Ma dabuñwaga ênsuñ gên tonañ êwiñ polom ñamêc êtu da daiñdaiñ êndên Apômtau êwiñ domba ñalatu luagêc. Gên tau êtu Apômtaunê gên ma dabuñwaga êwê kaiñ. <sup>21</sup> Êndên bêc tau amac akac taôm sa gebe êtu om dabuñ ma anam kôm kapôên atom. Tonañ êtu ñagôliñ ênêc enden tòngeñña ten êtu nêw wakucña êtôm amacnêw gamên samob.

<sup>22</sup> “Ma êndên tañ amac anac nêw kôm ñanô sa nan, go anac sa e êndên kôm ñamadiñ samucgeñ atom, ma ajon gên ñasaliñ-saliñ sa êtu ñamu atom. Awi siñ êndên lau ñalêlôm sawa to lau jaba gebe Apômtau, amacnêw Anôtô aê.”

### *Om Jala Wakucña*

<sup>23</sup> Ma Apômtau kêsôm gêdên Mose gebe <sup>24</sup> “Ôsôm êndên lau Israel gebe ajôn êtu 7 ñabêc ñamataña êtu bêc lêwanña ñanô ten êndên amac. Akac sa ma alic om dabuñ tau toôndugeñ. <sup>25</sup> Anam kôm ten atom, mago akên da kelen ten êndên Apômtau.”

### *Omsêga Wama*

<sup>26</sup> Ma Apômtau kêsôm gêdêŋ Mose gebe <sup>27</sup> “Ajôn êtu 7 tonan ɲabêc 10 êtu bêc Omsêga Wamaŋa. Êtu bêc dabuŋ, taŋ amac akac taôm sa ma anam dabuŋ mo to akêŋ daja êndêŋ Apômtau nan. <sup>28</sup> Ma anam kôm êndêŋ bêc tonan atom gebe bêc Omsêga Wamaŋa, ma sê wama amac êndêŋ Apômtau, amacnêm Anôtô. <sup>29</sup> Gebe teŋ embe ênam dabuŋ mo êndêŋ bêc tonan atom, oc senseŋ eŋ su aŋga nê lau nêŋ. <sup>30</sup> Ma teŋ embe ênam kôm êndêŋ bêc tonan, aê oc jansen eŋ su aŋga nê lau nêŋ amboac tonanŋeŋ. <sup>31</sup> Anam kôm teŋ atom. Tonan êtu ɲagôliŋ ênêc ender tôneŋeŋa teŋ êndêŋ amacnêm wakuc samob êtôm gamêŋeŋeŋ. <sup>32</sup> Bêc tonan êtu bêc lêwanŋa ɲanô teŋ êndêŋ amac ma anam dabuŋ mo. Alic om tau anac m êndêŋ ajôn tonan ɲabêc 9 ɲaêtulala, ma amansaŋ nêm sabat e naêndêŋ ɲabêc 10 ɲaêtulala.”

### *Om Bec*

<sup>33</sup> Ma Apômtau kêsôm gêdêŋ Mose gebe <sup>34</sup> “Ôsôm êndêŋ lau Israel gebe Êndêŋ ajôn tonanŋeŋ ɲabêc 15 êtu Apômtaunê om sêsam gebe Om Bec. Alic om tonan êtôm bêc 7. <sup>35</sup> Êndêŋ bêc ɲamataŋa akac taôm sa gebe alic om dabuŋ teŋ. Anam kôm teŋ atom. <sup>36</sup> Êndêŋ bêc 7 tonan akêŋ daja êndêŋ Apômtau. Ma êndêŋ bêc êtu 8 amac akac taôm sa gebe alic om dabuŋ teŋ êtiam ma akêŋ daja teŋ êndêŋ Apômtau. Bêc tonan êtu bêc dabuŋ akac saŋa, tec anam kôm teŋ atom.

<sup>37</sup> “Apômtaunê om toê-toê tau tonan, taŋ amac asôm lasê gebe akac sa ma anam sakiŋ Apômtau gebe akêŋ daja to da kelen ma da têkwi. Da samob tonan akêŋ êndêŋ Apômtau êtôm ɲanoc solopgeŋ. <sup>38</sup> Alic om tonan naêwiŋ Apômtaunê sabat to êwiŋ

nêm gêñ ñagêdô, tañ ajac mata ma akêñ kêtù nêm ñalêlôm kêkac amacña gebe akêñ êndên Apômtau nañ.”

*Bij Om Becña ñagêdô kêtiam*

<sup>39</sup> “Êndên ajôn 7 ñabêc 15 embe anac nêm kôm ñanô samob sa êmbacnê nañ, alic Apômtaunê om êtôm bêc 7. Bêc ñamataña êtu bêc lêwanña ñanô teñ ma bêc êtu 8 amboac tonanjen. <sup>40</sup> Êndên bêc ñamataña amac ajoñ ka ñanô ñajam-ñajam to tômtôm ñalauñ ma lêsô ma atu samuc amoa Apômtau, amacnêm Anôtô, lañônêm êtôm bêc 7. <sup>41</sup> Alic Apômtaunê om êtôm bêc 7 êtôm jalagen. Tonanjen êtu ñagôlinj ênêc endenj tôngenña teñ êndên nêm wakuc samob. Alic om tau êndên ajôn êtu 7ña. <sup>42</sup> Anjon bec êtôm bêc 7 tonanjen. Lau Israel ñanô samob sêngônjen becjen. <sup>43</sup> Gebe nêm wakuc to nêñ wakuc sêjala gebe aê kakênj lau Israel sêngônjen bec gêdênj tañ aê kakôc êsêac sêsa anja gamênj Aiguptunja sêmênj nañ. Apômtau, amacnêm Anôtô aê.”

<sup>44</sup> Amboac tonanjen Mose kêkênjen om, tañ Apômtau kêjatu nañ, ñawae gêdênjen lau Israel.

24:1–27:34 Biñsu tokainj-tokainj kêsêp môkêlatu tonanjen. Biñsu ñagêdô kêmasanjen sakinjen omña, ñagêdô kêmetôc lau, tañ sêsôm biñ alôb-alôb, ñagêdô kêjatu lau gebe sêsa nêñ lêñ bisnis to kômña ñapep ma sêngônjen sêwiñ taunjen tomêtêgenjen, ñagêdô kêmetôc lau, tañ tañenpêc gêdênjen Anôtônê biñsu nañ ma ñagêdô kêmasanjen lêñ tatôc lemen ma tanac mata gêñ êndênjen Anôtônja.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb